

針灸法三穴

漢書
門類
二
函號

內閣文庫
漢書
冊號類
二
函

內閣文庫	
番號漢	12442
冊數	6 (2)
函號	301 81



瘟癘日忌祭

正未二戌 三辰四寅 五午六巳 七酉八申 九亥 十子 十一丑 十二卯

丹臺玉案卷之二


明新安休邑後學孫文胤對薇父叅著

當湖孝廉友弟屠壽徵山靜父較正

平湖縣庠盟弟俞允昌爾迪父

全閱

古潤內弟江國春如一父



傷寒門



夫傷寒者冬月天氣嚴寒水冰地凍而成殺厲之氣。體弱之人觸犯之者中則即病名曰正傷寒不即病者乃寒邪藏于肌膚之間伏于榮衛之內至春因溫

暖之氣而發者。名曰溫病。至夏因暑熱而發者。名曰熱病。雖曰傷寒。實為熱病。凡治傷寒。必先辨明六經。而後可以用藥。如初發于一二日之間。便覺頭頂痛。腰脊強。而發熱惡寒者。乃足太陽膀胱之受病也。而脈之則尺寸俱浮。浮緊有力為傷寒。浮緩無力為傷風。而太陽經症可辨矣。太陰病已。以次而傳經。必傳于胃。發于二三日之間。便覺目疼。鼻乾。不得眠。日晡潮熱。不惡寒。而反惡熱者。乃太陰陽明胃經受病也。而脈之則尺寸俱長。長而微洪者。臟病。長而沉數者。

疑太陽三字當作足字

腑病。而陽明瘧可辨矣。陽明病已。以次而傳經。必傳于膽。發于三四日之間。便覺胃脇痛。而耳聾。寒熱嘔而口為之苦。乃足少陽膽經受病也。而脈之則尺寸俱弦。弦而滑數者。病發厥。弦而和者。病欲散。而少陽經病可辨矣。少陽病已。以次而傳經。必傳于脾。發四五日之間。便覺腹滿。或痛。而咽喉乾燥。大便不通。小便如常。或自利。手足溫而渴者。為傳經。腑熱起。無頭疼。發熱。但惡寒。自利不渴。手足冷者。為直中陰經。乃是太陰脾經受病也。而脈之則尺寸俱沉。沉實有力為

發之下當作十字

是當作足

裏實熱。沉遲無力爲裏虛寒。而太陰經症可辨矣。太陰病已。以次而傳經必傳于腎。發于五六日間。便覺口燥舌乾而渴。手足乍溫乍冷。便秘譫語者爲熱。或泄瀉清穀不渴。手指甲而青者爲寒。乃足少陰腎經受病也。而脘之則尺寸俱沉。沉實有力知其熱。沉遲無力別其寒。而少陰經症可辨矣。少陰病已。以次而傳經必傳于肝。發于六七日間。便覺煩懣而囊縮。譫語而渴者爲熱。口吐涎沫。小腹痛不渴。身冷如木者爲寒。乃足厥陰肝經受病也。而脘之則尺寸俱沉。沉

實有力是其熱。沉遲無力定知寒。浮緩者病自愈。下厥陰經症可辨矣。又有兩感傷寒者何也。假如一日太陽與少陰俱病。頭疼爲太陽邪盛于表。口乾煩滿爲少陰邪盛于裏。二日陽明與太陰俱病。身熱譫語爲陽明邪盛于表。不欲食腹滿爲太陰邪盛于裏。三日少陽與厥陰俱病。耳聾爲少陽邪盛于表。囊縮而厥爲厥陰邪盛于裏。若水漿不入。又不知人者。六日死。以其一臟一腑同受其邪。此兩感之所以不救也。然其間亦有輕重之不同。表重于裏者宜先救其表。

而後及于裏。裏重于表者。宜先救其裏。而後及于表。此又求于一生于萬。夾之中。不得已而施治也。其不兩感于寒。更不傳經者。至七八日間。其本經之邪漸退。至十二日。則精神清爽而自愈。然傷寒傳經種種不同。未可執爲一定之序。有始于太陽。以次而傳入陰經。而不傳少陰者。或太陽不傳陽明少陽。而卽傳少陰者。或不由陽經而直入陰經者。或始終卽在一經。而不傳者。或二陽三陽同受。而爲合病者。或太陽陽明先後受。而爲併病者。種種不一。詳審而治之。

又有中寒一症。或卒中天地之寒氣。或口得寒物。直中陰經。六脉沉弱無力。身倦手足厥冷。口禁不語。非若傷寒之邪。循經漸深也。然真正傷寒。與感冒傷寒。及似傷寒。而非傷寒者。何以辨之。蓋寒者。冬月嚴凝。肅殺之氣也。自霜降以後。春分以前。皆屬冬。此時感冒而卽發者。乃爲真正傷寒也。若冬傷于寒。不卽病。至春分後而發者。名曰溫病。其症發熱咳嗽。身痛口渴。不惡寒。其脉弦數不緊。右手反盛于左手。蓋怫然在內故也。冬傷于寒。春亦不病。到夏至後而發者。名

日熱病。其脉洪數。其症熱渴。比春更甚。溫熱二症俱不惡寒而渴。不惡寒則病非外來。渴則熱自內達于表間。有惡寒者。乃冒非時暴寒。非若冬月之甚也。其有不因冬傷于寒。而春自傷于風。夏自傷于暑者。則自有傷風傷暑之別。而又不可以溫熱並論矣。或有感于天行時氣。而病相同者。謂之溫疫。其症頭疼身痛發寒發熱。一家一方。長幼傳染者是也。或足膝等處忽然紅腫。或軟弱發熱頭疼。謂之脚氣傷寒。或心腹飽悶嘔逆頭疼發熱惡寒。右手關脉緊盛。左手三

竒和平。而身不痛者。是傷食也。若頭痛而身亦痛。左右手俱緊盛。謂之夾食傷寒。左手脉來緊盛。右手洪滑。或寸脉沉伏。身熱惡寒。隱隱頭痛。喘咳煩悶。胃脇體痛。是夾痰傷寒。頭痛發熱惡寒。但右手脉來空虛。左手脉來緊盛。是勞力傷寒。左手脉來緊澁。右手脉沉芤。心胃脇下小腹有痛處。汗至脛而回。是蓄血傷寒。太陽症則如狂。陽明症則善忘。少陽症則寒熱似瘧。此皆類傷寒。而非傷寒也。其餘傷寒中雜症頗多。不能枚舉。皆諸病門中所有者。但雜症一兼傷寒。卽

所謂傷寒雜症。醫者以意求之。則不言而自喻矣。

立方

神仙粥 治身熱作飽。不思飲食。頭疼。冒雨受寒。一時無覓醫處。此法取汗。

用帶皮老薑。三兩搗爛。將熱酒泡飲。出汗。輕者即愈。重者可解一時之急。

麻黃湯 太陽症。頭頂痛。腰脊強。發熱無汗。宜此湯

主治而汗之。

麻黃 一兩 五錢 桂枝 一兩 甘草 五錢 杏仁 五十枚

作一劑。每服用五錢。水煎溫服。汗出為度。無汗再服。春分後忌之。用此藥發汗不出。脈弱者無陽。及不至足者為難治。身熱不退。脈愈燥者難治。

葛根湯 陽明症。目痛。鼻乾。不得眠。身熱無汗者。以此湯治之。

葛根 三錢 芍藥 錢半 桂枝 一錢 薑三棗二加黃

芩名葛根解肌湯。

白虎湯 治渴而有汗不解者。

知母 二錢 石膏 五錢 甘草 六錢 粳米 小半 加人

參。各人參白虎湯。無汗大忌。

小柴胡湯。少陽症。胃肋痛而耳聾。往來寒熱。病在
半表半裏。此湯為主治。

柴胡 二兩 半夏 八錢 黃芩 甘草

人參 各七錢半 作五服。每服加薑三棗二。但人參一

味亦宜斟酌。若邪氣未退。不可輕用。

大柴胡湯。治身熱譫語。不大便。惡寒。

柴胡 二兩 黃芩 七錢 芍藥 三錢 半夏 六錢

枳實 五錢 大黃 五錢 作三服加薑棗。

桂枝大黃湯。太陰症。肚腹硬滿。燥渴咽乾。或腹痛。

大便實者為裏熱。以此湯主之。

桂枝 大黃 甘草 枳實

厚朴 人參 芍藥 檳榔 甚者加

芒硝

附子理中湯。腹滿自利。不渴者。屬裏寒。

人參 白朮 乾薑 甘草

附子

四逆湯。治四肢厥冷。脉微欲絕者。

乾薑 五錢 附子 二錢 甘草 一兩 水煎。寒冷服。

大承氣湯 少陰症。口燥咽乾。譫語五六日不大便。

手足心并腋下。澀澀痞滿。燥實俱全者。用此湯主

之。

大黃 厚朴 枳實 芒硝 各二錢半

小承氣湯 治傷寒傳裏有痞滿實而無燥堅者。以

此湯主之。

大黃 五錢 厚朴 枳實 各二錢

調胃承氣湯 無痞滿而有燥實堅者。

大黃 四錢 芒硝 三錢 甘草 二錢 枳實 二錢

厚朴 二錢 若初起手指甲青兼之腹痛嘔吐身

如彼杖脉細沉無力。謂之陰毒。急用四逆湯溫之。

外灸關元氣海。復其陽氣。不効即死。

麻附細辛湯 本經身發熱四肢冷指甲青腹痛脉

雖沉亦有可汗者。此湯主治。

麻黃 二錢 附子 三錢 細辛 一錢五分 甘草 五分

人參 二錢 黃連 一錢 芍藥 一錢五分 以其無頭疼故

名少陰似太陽。假若身不發熱。豈敢輕汗之。

桂附湯 厥陰症。煩滿囊拳。譫語而渴者。當下之。三承氣湯。選用。口吐涎沫。小腹痛。不渴者。當此湯主之。

桂枝 一兩 附子 三錢 青皮 甘草

柴胡 各四錢 作三服 每服加姜三片

陶氏冲和湯 兩感傷寒。雖不治之症。然所稟有虛實。所感有淺深。若胎元稟得厚者。而所感得淺間。亦可生。如兩感陰陽未分。或陽先受病者。以此湯服之。

柴胡 乾葛 石膏 黑豆

生地 防風 白芷 川芎

細辛 羌活 甘草 黃芩

羌活湯 治兩感陰陽已分。

羌活 一錢五分 獨活 防風 防已

黃芩 黃連 蒼朮 白朮

甘草 細辛 各三分 知母 川芎

生地 各一錢 煎服未解再服三四劑。病愈則止。

又方。陰陽兩感。表裏未分。用後方主治。

麻黃 升麻 乾葛 芍藥 各二錢
 甘草 五分 蘇葉 青皮 香附
 白芷 川芎 陳皮 各等分
 每服三錢加姜葱煎服痞滿加枳殼大抵兩感脈
 從陽可治從陰難治

九味羌活湯 春分後感冒傷寒宜此湯主之

羌活 蒼朮 防風 各一錢半 甘草
 白芷 川芎 生地 黃芩 各一錢
 細辛 四分 姜三棗二水煎加葱白搗汁五匙入

藥再煎熱服覆取汗 原有汗去蒼朮加白朮溫
 服汗不止去細辛加黃芪 再不止加桂枝芍藥
 不作汗加蘇葉 渴加知母石膏 嘔逆加薑
 汁 有痰去生地加半夏 肌熱加柴胡葛根
 喘加杏仁 虛煩加知母麥門冬竹茹 胸膈飽
 悶去生地加枳殼桔梗 便秘加大黃 中寒于
 經絡加附子 濕土司天倍蒼朮 久雨加木瓜
 蒼朮 太陽症倍羌活加藁本 陽明症加升麻
 葛根 少陽症加柴胡半夏 太陰症加厚朴枳

實。少陰症。加桔梗。知母。黃栢。厥陰症。加柴胡。倍川芎。此方通治六經傷寒。無有不驗。乃四時傷寒之聖藥也。

回陽急救湯。治直中陰經。無熱惡寒。面慘。手足厥

冷。脣紫舌卷。瓜甲青黑。身重難于轉側。不渴臥多

踈足。大便泄利。小便青白。脉細沉微。

附子 乾薑 人參 甘草

白朮 肉桂 陳皮

嘔吐加半夏薑汁拌炒 腹痛甚加芍藥。木香。老薑汁。

利不止。加陳壁土炒升麻少許。口吐涎沫。加吳

茱萸鹽炒。無脉。加五味子。猪膽汁。戰慄。加附

子。麻黃。小腹絞痛。加青皮。吳茱萸水。一鍾半。棗

二生薑自然汁半盞煎。臨服入泥漿水澄清。一匙

溫服。

合病

或二陽同病。或三陽同病。不傳者。太陽合陽明。

升麻葛根湯。陽明合少陽。小柴胡合升麻葛

根湯。或通用九味羌活湯。

丹臺玉案

二卷

七

合病

併病

始初二陽合病。後二陽氣盛。一陽氣衰。併歸一經。獨重者。陽明併太陽。麻黃湯合升麻葛根湯。少陽併太陽。麻黃湯合小柴胡湯。少陽併陽明。為木尅上難治。小柴胡合升麻葛根湯。或通用九味羌活湯。加味理中湯。治中寒。即冬時直中真寒。一身受邪。難分經絡。手足厥冷。或腹痛嘔吐。甚則卒倒昏迷。不省人事。脉遲無力。

乾薑

人參

白朮

肉桂

甘草

半夏

陳皮

細辛

茯苓

煨薑。薑片煎熟。冉入薑汁半盞服。其

腹內外。仍用薑炒熱。時時熨之。輕則依本方。

重則加熟附子。身甚寒者加麻黃。挾氣加木

香。嘔吐涎沫加丁香。腹痛加木香。砂仁。挾

食加草菓。枳殼。瀉不止加升麻。蒼朮。外灸關

元氣海。再用蔥熨法。

温病

丹臺玉案

二卷

三

併病
温病

此病發于春間。經日發熱不惡寒。反渴者溫病也。分表裏治之。表症如天溫。升麻葛根湯。如天寒。柴胡桂枝湯。太陽合少陽。敗毒散合小柴胡湯。太陽合陽明。敗毒散合升麻葛根湯。陽明合少陽。升麻葛根湯。合小柴胡湯。半表半裏。小柴胡湯。裏症大柴湯。重者一時表裏俱發。防風通聖散。表裏俱熱。大便自利者。柴胡黃芩湯。加木通山梔。

竹葉石膏湯

治虛煩變雜症。表症已解。邪毒未除。

熱結在內。心胃煩滿。渴甚。飲水無度。

石膏

五分

人參

二錢

甘草

七分

麥門冬

一錢

淡竹葉

十四片

糯米

一握

水煎入薑汁二匙。

升麻葛根湯

葛根

升麻

芍藥

甘草

表熱加柴胡。

內熱加黃芩。

有吐衄血加生薑。

牡丹皮

熱甚加山梔。黃連。或加連翹。天花粉。

大便硬加枳實。大黃。

頭痛加川芎。

身痛加羌活。

痞悶加枳殼。桔梗。

咳嗽加棗仁。痰加半夏。

發斑加玄參。如老人去芍藥加柴胡人參。

羌活

獨活

柴胡

前胡

枳殼

桔梗

川芎

赤茯苓

人參

甘草

皮膚瘡癢加蟬蛻。口乾舌燥加黃芩去人參加

防風荆芥。名荆防敗毒散。

小柴胡湯

柴胡

黃芩

人參

半夏

甘草

加薑棗

陶氏加陳皮芍藥。頭疼加川芎。胃中煩而不

嘔去參夏加瓜蒌仁。渴去半夏加知母天花粉。

腹痛去黃芩加芍藥。脇下痞悶加牡蠣枳實。

去棗。脇痛加青皮。心胃悶加枳殼桔梗。不

効加枳實黃連瓜蒌仁去甘草茯苓。心下悸小

便不利去黃芩加茯苓。咳嗽去參棗生薑加五

味子炮乾薑。嘔加薑汁竹茹。虛煩加竹葉梗

米。鼻衄加生地茅花。痰盛加瓜蒌仁桔梗枳

實。喘。加桑白皮。烏梅。熱盛錯語不眠。加山梔。
黃連。黃栢。少陽陽明合病。口燥目疼。加芍藥。乾
葛。壞症。加鱉甲。自汗惡熱。讞語煩渴。去半夏。
合白虎湯。自汗惡風腹痛。或寒多熱少。脉弱。去
黃芩。合桂枝湯。血虛發夜熱。合四物湯。去川芎。
加麥門冬。知母。黃栢。脉弦虛無力。或浮散發熱。
煩燥。口渴不飲水。此為虛熱。去半夏。黃芩。合生脉
散。熱入血室。小腹痛。晝明夜昏。妄見。或寒熱不
定。似瘧。合四物湯。加牡丹皮。男子。加生地。婦

人。加當歸。紅花。瘥後發熱。本方和之。脉浮。加
蒼朮。蘇葉。脉實。加大黃。枳實。寒熱似瘧。而裏
未實者。加桂。以溫血。表熱而裏又燥渴。糞硬者。
加大黃。以清血。如無耳聾脇痛。只則身熱發渴。
讞語。大便實者。加大黃。

大柴胡湯

柴胡 黃芩 芍藥 枳殼
半夏 大黃 薑棗
昏亂讞語。加黃連。山梔。痞滿。加枳殼。桔梗。厚朴。

口燥渴。舌胎黃。加瓜蒌仁。夏月熱病煩燥。脉洪。大加知母。麥門冬。石膏。發斑。加生地。玄參。牡丹皮。發黃。加茵陳。黃柏。鼻衄。加犀角。大便不通。加芒硝。

防風通聖散

防風

川芎

當歸

芍藥

大黃

麻黃

薄荷

連翹

芒硝

石膏

黃芩

桔梗

滑石

甘草

荆芥

白朮

山梔

加薑三片

凡雜症。耳目口鼻。唇舌咽喉。風熱風痰等疾。外科癰疽瘡癤。小兒驚疳積熱。諸風無所不治。如自利。去芒硝。自汗。去麻黃。

清熱解毒湯。熱病發于夏。脉細小無力。足冷。如得汗而燥盛者。死。如下痢腹痛者。亦不治。

黃芩

知母

升麻

葛根

石膏

人參

白芍

羌活

黃連

酒製三分

生地

酒製五分

生甘草

七分

薑三片

胃痞悶加枳實半夏各一錢薑汁四五匙去生地
脾胃不實加白朮表症在太陽九味羌活
湯汗後煩渴脉洪大背惡寒者白虎加參湯
益元散裏症大柴胡湯重者一時盛發
雙解散或防風通聖散
自虎加參湯即化斑湯

石膏 知母 粳米 甘草
山梔 麥門冬 人參 五味子
天花粉 黃連 薑棗 烏梅

心煩加竹葉竹茹小便短少加滑石背惡寒
渴加茯苓去山梔嘔加薑汁炒半夏頭微疼
眼睜疼加葛根去山梔

益元散 一名六一散 一名天水散

滑石 六兩 甘草 一兩

為末每服三錢入蜜少許沸湯調服熱者冷水
調服傷寒熱不解加蒼朮末三錢蔥豉湯連進
數服汗出為度汗吐下後餘熱以此解之虛
煩不眠加辰砂少許一切風熱上壅咽喉不利

致西鏡云瘟疫之
症乃天行時氣發
熱謔語衆人病一
般者是也有大頭
瘟蝦蟆瘟之異

加青黛薄荷少許。蜜丸噙化。產後腹痛自痢。用
補脾補血藥下。或加五靈脂能行血。止痢瀉甚。
加肉豆蔻少許。一切痰熱吐逆及胃熱驚癇顛
狂加黃連少許薑汁蒸餅為丸。

瘟疫

有瘟疫寒疫此天地不正之氣多感于房勞辛苦之
人從口鼻而入當隨時令察運氣而施治不可大
汗大下當從乎中。而用陽明少陽二經藥初看
未見端的先以其敗毒散加薄荷治之看歸何經。

再隨經施治。見陽明經者用升麻葛根湯。見
少陽症者用小柴胡加防風羌活。少陽陽明兼
見者柴葛二湯合服。寒熱往來而大便泄者小
柴胡合五苓。寒多去苓留桂。大便秘小柴胡
加大黃。小便秘小柴胡合四苓。發黃再加茵
陳。作渴小柴加石膏知母。發狂不識人大柴
胡加當歸。如大便泄者三黃石膏湯。若入太
陰經無熱症見者用理中湯此症必腹痛而瀉痛
止仍用小柴胡。若入少陰厥陰經用陰症傷寒

瘟疫

丹臺玉案

二卷

十八

傳經治之。如春夏染者。參看溫熱病二條。秋時染者多身熱咳嗽。金沸草散。若渴白虎湯加蒼朮。若熱畜發痘。茵陳五苓散。若痢疾。人參敗毒散。加陳倉米炒。倘燥太過。用潤燥散。冬時染者多身熱頭疼咽乾。人參敗毒散。或甘桔湯加玄參。發斑者。陽毒升麻湯。通用加減調中湯。預防四時疫氣。用藿香正氣散。四時外感發熱惡寒。用香蘇散。四時感冒風寒。鼻塞頭疼痰涎嘔逆。用參蘇飲。又有大頭傷寒。天行時病初覺。

寒熱身痛。次則頭面紅腫。疣瘡甚則咽喉堵塞。害人最速。多發于冬。溫之後。脉浮在表。用普濟消毒散。或荆防敗毒散。脉沉在裏。羌活黃連黃芩。俱酒炒。大黃酒蒸。鼠粘為主。連兩目鼻面腫者。陽明也。加乾葛升麻石膏赤芍藥。發耳前併頭角少陽也。加柴胡瓜蒌仁。發腦後頸下腫起太陽也。加防風荆芥水煎時時呷。邪氣甚者。通大便。加芒硝。遇凶荒勞役。宜普濟消毒散。即普濟散

普濟消毒散

治大頭傷寒

丹臺玉案

二卷

沈

黃芩

黃連

各一錢

鼠相子

藍板根

連翹

馬屁勃

各一錢

陳皮

生甘草

桔梗

玄參

柴胡

各一錢

升麻

僵蠶

各五分

人參

三錢

為末。白湯調服。時時呷之。留一半蜜丸。噙化。或加防風薄荷。當歸川芎。水煎服。大便硬。加大黃。若非便秘。忌用降下之劑。腫不消者。砭去血。可用通關散。倍羊躑躅。及藜蘆少許。搗鼻以洩其毒。久不愈。欲作膿者。內服托裏消毒散。

疎風清熱飲

治蝦蟆瘟。遍身如蝦蟆之皮。皆屬于

風熱。

羌活

防風

荆芥

黃芩

甘草

各二錢

煎服

又方

側柏葉自然汁。調蚯蚓泥敷之。

又方

丁香尖。南星醋磨。傅之。

三黃石膏湯

黃芩

黃連

黃柏

山梔

各二錢

麻黃

錢半。自汗者去之。

石膏

五錢

香豉

三錢

水煎加辰砂服。

又方 治時疫寒熱將黑豆二合炒香甘草二寸炙黃切碎用水煎時時呷之。

理中湯

人參

白朮

乾薑

甘草

大便澀者用散利者用丸。寒甚腹痛四肢冷加附子。臍下動氣欲作奔豚去朮加肉桂。吐多去朮加半夏薑汁製。下多還用朮。悸加茯苓。渴倍白朮。腹痛裏虛倍人參。寒倍乾薑。

吐不止去甘草加薑汁。吐蛔去甘草加烏梅。

餽逆加丁香柿蒂。噦逆加木香。癰亂轉筋加

石膏。寒濕發黃加茵陳。脾弱瀉不止溺不利。

倍參朮合五苓散。內虛腹痛合小建中湯。陶

氏加肉桂。陳皮茯苓薑棗臨服入陳壁土炒一匙。

自利肚腹痛加木香磨薑汁。腹痛甚去白朮。

或陰結症本方加大黃利之。

金沸草散

金沸草

荆芥

麻黃

甘草

赤芍

半夏

前胡

薑棗

潤燥湯

生地

山梔

升麻

柴胡

石膏

生薑

自汗加桂枝。

無汗加蘇葉乾葛。

虛煩加麥門

冬。渴加天花粉。

咳嗽加杏仁。

陽毒升麻湯

升麻

犀角

射干

黃芩

人參

甘草

加減調中湯

芍藥

茯苓

白朮

麥門冬

生地

陳皮

桔梗

烏梅

痰加貝母。

熱甚加黃芩。

藿香正氣散

此方治內傷脾胃外感風寒若病在

太陽頭疼發熱骨節痛不可用。

藿香

紫蘇

白芷

大腹皮

茯苓

厚朴

白朮

陳皮

桔梗

半夏麩

甘草

薑棗

一方去白朮加香附米

香蘇散

香附

紫蘇

陳皮

甘草

蔥薑

頭目痛加川芎白芷

熱甚加柴胡

參蘇飲

人參

半夏

茯苓

陳皮

枳殼

桔梗

前胡

乾葛

甘草

紫蘇

後人去人參以川芎代人參柴胡代前胡各芎蘇

飲。若寒天氣促咳嗽加麻黃杏仁金沸草。若

溫天咳嗽加桑白皮杏仁。如有熱痰加黃芩瓜

蒺仁。周身骨節疼加羌活。婦人胎前產後加

川芎當歸芍藥。

又秘方 人中黃五錢蒼朮羌活各三錢煎服立愈。

小陷胃湯 胃膈迷悶乃邪熱結于上焦而生痰也。

半夏

六錢

黃連

三錢

瓜蒌

一箇

連皮肉取四分之一作一服水二鍾先煮瓜蒌至

一鍾半下餘藥煎至一鍾溫服如未效再服口出

黃涎卽愈。

大陷胃湯 胃前脹悶煩滿不進飲食及渴多飲水有停飲在上。行早之故。名曰結胃。

大黃 五錢 芒硝 一兩八錢五分

甘遂 二錢五分

為末。作二服水。二鍾煎大黃至一鍾去渣入硝煎一沸入甘遂末。溫服。得快利止。

脚氣

惡寒發熱全類傷寒。但新起脚膝軟弱赤腫為異耳。此濕熱之所聚在肌膚。流注于脚膝。

祛溫湯 治熱氣留于肌肉之中。宜急治之。少緩其氣上行。至心卽死。

蒼朮

黃柏

赤茯苓

牛膝

木瓜

木通

檳榔

甘草

黃連

烏藥

防已

各三錢

量輕重治之。水煎空心服。

又方 敷紅腫處。朴硝大黃寒水石牙皂為末。以鷄子清調敷。甚効。

又方 人中黃為末。芭蕉水調。傳甚妙。

食積

外症頭疼發熱惡寒。全類傷寒。惟身不痛心腹飽悶。噯噎嘔逆為異耳。甚者用滾鹽湯調阜莢末五分探吐。復用加味平胃散。頭痛身亦痛者謂之夾食傷寒。加味治中湯。如表症多。藿香正氣散。裏症多。小承氣湯。

加味平胃散

蒼朮 厚朴 陳皮 白木 甘草 乾薑 山查 神麩

草菓 各二錢 黃連 二錢 枳實 一錢 薑

臨服入木香磨汁調下。如腹痛加桃仁。

便實去查麩菓薑加大黃。

加味治中湯

陳皮 枳實 青皮 厚朴 白朮 甘草 蒼朮 乾薑 草菓 砂仁

熱甚去白朮加柴胡。嘔吐加薑汁炒半夏。胃中飽悶去甘草白朮加枳實。腹痛甚者加芍藥。

大黃。去乾薑。白朮。

夾痰症

憎寒壯熱。惡風自汗。胃膈滿悶。氣上攻冲。頭不昏疼。項不強者。是也。自熱者。芎蘇飲。金沸草散。柴胡半夏湯。無熱者。二陳湯。溫膽湯。通用。加味導痰湯。有痰結胃者。鶴頂丹。枳桔二陳湯。有痰上隱隱頭疼者。瓜蒂散吐之。

加味二陳湯

甘草 八分 半夏 一錢 茯苓 一錢 陳皮 一錢五分

南星

枳實

黃芩

白朮

黃連

瓜蒌仁

桔梗

杏仁

山查

柴胡 少佐 貝母

金沸草

薑汁

竹瀝

年力壯盛者。先吐去痰。後

服此藥。

瓜蒂散

瓜蒂

赤小豆

各五錢

為末鹽湯調服。服後宜臥片時。欲吐且耐之。良久用指探之。

夾痰症

丹臺玉案

二卷

三六

虛煩

外亦發熱。有類傷寒初症。但頭身不痛。不惡寒。脉不緊數。但浮而無力。慎不可攻熱。去則寒生。

人參竹葉湯

石膏 五錢 人參 二錢 甘草 七分 麥門冬 一錢五分

淡竹葉 片 粳米 一撮 水煎入薑汁二匙服

如氣弱大渴。加倍人參。汗多加黃芪。痰加貝母。泄加白朮。澤瀉。陰虛夜煩。加知母。黃栢。生地芍藥。嘔吐去石膏。加陳皮。茯苓。

加減補中益氣湯 勞力傷寒。頭疼發熱惡寒。但微

渴自汗。身腿酸軟無力。此內傷氣血。外感風寒。故

也。

人參 黃芪 當歸 生地

川芎 柴胡 陳皮

細辛 羌活 防風 白朮 甘草

薑棗蔥水煎溫服。

如元氣不足。加升麻少許。咳嗽加杏仁。汗不止。去細辛。加芍藥。胃中煩熱。加山梔。竹茹。乾。

虛煩

丹臺玉案

二卷

三七

嘔加薑汁炒半夏。胃中飽悶去生地甘草黃芪。白朮加枳殼桔梗。痰盛去防風細辛加瓜蒌仁。貝母。腹痛去芪朮加芍藥乾薑。

蓄血症

外症寒熱往來但脉芤濇日輕夜重蓄于上焦則衄血善忘嗽水不嚥胃脇腹皆滿痛讞語昏憤謂之血結胃中用犀角地黄湯。蓄于中焦則頭汗發渴發黃用桃仁承氣湯。蓄于下焦則如狂便黑小腹急脹按之則痛用抵當湯丸。或用犀角地

黃丸加青皮。大黃通用。小柴胡加桃仁生地兼梔子茵陳。一切血症藥此皆治法不易傷寒。有用承氣大下不解反更兼善食者瘀血也。所以打撲傷損症亦類傷寒。

犀角地黄湯

犀角

牡丹皮

各一錢

白芍

五分

生地

三錢

一方有當歸錢半。如表熱加柴胡黃芩。鼻衄加山梔。內熱甚加黃連。腹脹或通瘀血未下加桃仁紅花大黃。小腹急痛加青皮。陶氏加

甘草。桔梗。陳皮。紅花。當歸。薑三片。臨服入藕節汁。三匙調下。

紫雪 治發斑譫語蓄血三陽症煩燥作狂氣喘

赤金 十兩 升麻 六錢 寒水石 石膏 各四兩 八錢

犀角 羚羊角 各一兩 玄參 六錢 沉香

木香 丁香 各五錢 甘草 八錢

右以水五升以赤金同升麻先煮至三升去金入諸藥再煎至一升濾去滓投朴硝三兩二錢微火煎熬即成紫雪。

桃仁承氣湯

大黃 四錢 桃仁 三錢 桂枝 芒硝 各二錢

甘草 一錢

右水煎溫服血盡為度未盡再服 陶氏加枳殼青皮當歸芍藥柴胡薑三片臨服入蘇木一錢煎二沸熱服。

如傷寒犯內傷食積蓄血大便硬脹不能言語神思盡脫兩目直視手足僵仆難以下藥者將紫蘇煎湯用手巾泡熱絞乾攤肚腹及小腹上輕輕揉運手巾

漸冷卽換熱者。連連揉運。待宿糞硬塊。或積血下。纔可用藥。如糞門結。用蜜導法。

江南溪毒

江東江西諸源澗有蟲名曰短狐溪毒。又名射公。其蟲有翅能飛。有一長角橫在口前。如弩檐。臨其角端。如上弓。以氣為矢。無目有耳。能聽在山源水中。聞人聲。使以氣毒射人。故謂之射公。此蟲畏鷺鷥能食之。此症似乎傷寒。寒熱往來。身不喜冷。筋急體強。目疼。頭痛。張口呻吟。咳嗽。呼吸悶亂。始終更不能言。朝輕

暮重。非其土人中之。便謂之傷寒。今說其狀。以明其症。與傷寒別矣。

螺螄疔

惡寒發熱。胃膈作悶。身發紅點。如蚊跡者。類乎傷寒。此點起之于手。沿至于心前。其人發狂。悶亂而斃。不知者。但以傷寒發斑治之。百無一生也。

治法

以三角針刺其紅點之首尾處。出血。外用鑪鐵釘磨水敷之。內服犀角地黃湯立愈。方見前。

江南溪毒
螺螄疔

水漬法

湯毒漸深六脉洪大內外結熱舌卷焦黑鼻如烟煤

疊布數重。新水漬之。稍換去水。搭於患人背上。須臾。蒸熱。又以別浸冷布易之。頻換熱稍退。再進陽毒藥。


驗舌形瘡三十六種



舌見紅色。內有乾硬黑色。形如小長舌。有刺者。此熱毒熾盛。堅結大腸。金受火制。不能平木。故也。急用調胃承氣湯下之。

調胃承氣湯

方見前



舌見白胎滑者。邪初入裏也。丹田有熱。胃中有寒。乃少陽半表半裏之瘡。宜小柴胡湯。梔子豆豉湯治之。


小柴胡湯

方見前

梔子豆豉湯

方見後

將瘟舌



丹臺玉案

二卷

三十一

舌見紅色。熱蓄於內也。宜用透頂清神散。


當歸

白芷

北細辛

猪牙皂角

右為末等分。和勻。令病人先噙水一口。以藥少許吹入鼻內。吐去水。取嚏為度。如未嚏。仍用藥再吹。



舌見純紅。內有黑形如小舌者。乃邪熱結於裏也。君火熾盛。反兼水化。宜服涼隔散。大柴胡湯。

大柴胡湯

方見前

涼隔散

方見後




舌見紅色。而有小黑色者。熱毒乘虛入胃。蓄熱則發癍矣。宜用升麻葛根湯。加玄參化癍湯解之。

升麻葛根湯

方見前

化癍湯

方見前




丹臺玉案

二卷

三十二


舌見淡紅。中有大紅星者。乃少陰君火熱之盛也。所
不勝者。假火熱以侮脾土。將欲發黃之候。宜茵陳五
苓散治之。

茵陳五苓散 方見後




舌見紅色。尖見青黑者。水虛火實。腎熱所致。宜竹葉
石膏湯治之。

竹葉石膏湯 方見前



舌見淡紅色。而中有一紅暈。沿皆純黑。乃餘毒遺於
心胞絡之間。與邪火鬱結。二火亢極。故有是症。以承
氣湯下之。


承氣湯 方見前



舌見紅色。更有裂紋。如人字形者。乃君火燔灼熱毒。


炎上故發裂也。宜服涼隔散。

涼隔散 方見後



舌見紅色更有深紅色癍點如蟲蝕之狀者乃熱毒熾盛火在上水在下不能相濟故也宜小承氣湯之


小承氣湯 方見前




舌見紅色內有黑紋者乃陰毒厥於肝經肝主筋故舌見如絲形宜理中湯四逆湯溫之

理中湯

四逆湯 方俱見前



舌見黑色水尅火明矣患此者百無一生治者審之



丹臺玉案

二卷

三十四

舌見尖白根黃。其表症未罷也。宜解表。然後方可攻之。如大便秘。用涼隔散。加硝黃泡服。小便澀者。用五苓散。加木通。合益元散。加薑汁少許。白滾湯調服。

涼隔散

五苓散


方俱見前



舌見弦白心黑。而脉沉微者。難治。脉浮滑者。可汗。沉實者。可下。始病即發此色。乃危殆之芒也。速進調胃

承氣湯。

調胃承氣湯 方見前



舌尖白胎二分。根黑一分。必有身痛惡寒。如飲水不至。甚者。五苓散。自汗渴者。白虎湯。下痢者。解毒湯。此亦危症也。

白虎湯 方見前


解毒湯 方見後

丹臺玉案

二卷

三五

十 六 舌




舌見白胎中有黑小點亂生者。尚有表症。其病來之。雖惡。宜涼隔散。微表之。即退。速當下之。下用調胃承氣湯。

調胃承氣湯

方見前

十 七 舌



舌見如灰色。中間更有黑暈兩條。此熱乘腎與命門。


也。宜急下之。服解毒湯。下三五次。遲則難治。如初服。

量加大黃。

解毒湯

方見後

十 八 舌



舌見微黃色者。初病即得之。發譫語者。由於失汗。表邪入裏也。必用汗下兼行之。以雙解散加解毒湯兩。

停主之。

雙解散


丹臺玉案

二卷

三六

解毒湯

方俱見後




舌中見白胎外則微黃者必作瀉宜服解毒湯惡寒者五苓散。

解毒湯

五苓散

方俱見後




舌見微黃色者乃表症未罷宜用小柴胡湯合天水

散主之可下者大柴胡湯下之表裏雙除臨證時當

審用之。


大柴胡湯

方見前




舌見黃色者必初白胎而變黃色也皆表面而傳裏熱已入胃宜急下之若下遲必變黑色為惡症為九害鬼邪氣深也宜調胃承氣湯。

調胃承氣湯 方見前



舌左白胎而自汗者不可下宜白虎湯加人參三錢服之


白虎湯 方見前




舌右白胎滑者病在肌肉為邪在半表半裏必往來

寒熱宜小柴胡湯和解之

小柴胡湯 方見前



舌左見白胎滑此臟結之症邪併入臟難治




舌見四圍白而中黃者必作煩渴嘔吐之症兼有表者五苓散益元散兼服須待黃盡方可下

益元散

方見前

五苓散

方見後



舌見黃色。而有小黑點者。邪遍六腑。將入五臟。急服

調胃承氣湯下之。次進和解散。

調胃承氣湯 方見前

和解散

藁本

桔梗

甘草

炙各五錢

蒼朮 三錢

陳皮

厚朴

薑製各一錢

右水二鍾。薑三片。棗二枚。煎七分。去渣。不拘時服。

解毒湯

黃連

一兩

黃栢

五錢

黃芩

五錢

山梔

六錢

右每服五錢。水一鍾。半煎。至一鍾。熱服。

五苓散

加茵陳卽茵陳五苓散

澤瀉

二錢五分

茯苓

猪苓

白朮

各一兩

肉桂

五錢

右每服六錢。水二鍾。煎至一鍾。溫服。

丹臺玉案

二卷

三十九

涼隔散

生甘草 二錢 連翹 四錢 山梔仁 八錢 大黃 二錢

黃芩 薄荷 朴硝 各二錢

右作一劑水二鍾加淡竹葉二十片煎一鍾不拘時服以利為度。

梔子豆豉湯

梔子 二錢 淡豆豉 五錢

右水二鍾煎七分去渣服。

雙解散 加解毒湯

防風 川芎 當歸 白芍藥

大黃 麻黃 連翹 芒硝 各五錢

石膏 黃芩 桔梗 各一兩 滑石 三兩

甘草 二兩 荆芥 白朮 山梔 各五錢

右每服一兩水一鍾半薑三片煎八分去渣服。

茵陳湯

茵陳 五錢 大黃 三錢 山梔仁 二錢

右水一鍾半煎至一鍾去渣服。

抵當湯

丹臺玉案

二卷


四十

大黃 三錢 水蛭 糯米 炒七枚 蝨蟲 炒去翅 足七枚
右作一服水一鍾半煎一鍾去渣服

十棗湯

芫花 醋浸 炒 大戟 甘遂 煨各 等分


右每服二錢弱人減半水二鍾棗十枚煎八分去渣服



舌見黃而尖白者表少裏多宜天水散一服涼隔散

二服合進之脉弦者宜防風通聖散

防風通聖散 方見前



舌見黃而色有膈瓣者熱已入胃邪毒深矣心火煩渴急宜大承氣湯下若身發黃者用茵陳湯下水在脇內十棗湯結胃甚者人陷胃湯

大承氣湯

茵陳湯


抵當湯

十棗湯

大陷胃湯

五方俱見前


舌九十二



舌見四邊微紅。中央灰黑色者。此由失下而致。用大承氣湯下之。熱退可愈。必下三四次。方退。五次下之。而不退者。不治。

大承氣湯 方見前

舌十三




舌見黃。而黑點亂生者。其症必渴。讞語。脉實者。生。脉

滑者。效。循衣摸床者。不治。若下之。見黑糞。亦不治。宜

大承氣湯

大承氣湯 方見前

舌一十三



舌見黃中黑。至尖者。熱氣已深。兩感見之。十人九效。惡寒甚者。亦效。不惡寒而下利者。可治。宜調胃承氣


湯主之

調胃承氣湯 方見前

丹臺玉案


二卷

四十二



舌見外淡紅心淡黑者如惡風表未盡用雙解散加解毒湯相半微汗之汗罷急下如結胃煩躁目直視者不治。


雙解散加解毒湯 方見前



舌見灰色尖黃而不惡寒者脉浮可下之若惡風惡

寒者用雙解散加解毒湯主之三四下之見糞黑不治。

雙解散加解毒湯 方見前



舌見灰黑色而有黑紋者脉實急以大承氣湯下之脉浮渴飲水者用涼隔散。


大承氣湯

涼隔散 方俱見前

丹臺玉案

二卷

四十三




舌根微黑尖黃脉滑者可下之。脉浮者當養陰退陽。若惡風寒者微汗之用雙解散若下利用解毒湯十救七八也。

雙解散

解毒湯

方俱見前



舌根灰黑尖黃隱見或有一紋者。脉實急用大承氣湯下之。脉浮渴飲水者以涼隔散解之十可救二三。

大承氣湯

涼隔散

方俱見前

已上三十六舌乃傷寒驗證之捷要。臨症時當細心治之。百無一失耳。

灸少陰

少陰吐痢手反不冷反食飲水脉不至者

少陰即太谿穴也。太谿二穴在足內踝後跟骨上動脉陷中灸七壯。

灸關元穴

臟結死症不可攻宜此

關元穴在臍下一寸是也乃少陰任脉之會

灸期門穴

婦人熱入血室 咳逆 打呃

婦人屈乳頭向下盡處骨間丈夫及乳小者以一指為率陷中有動脉是穴艾炷如小豆大灸五七壯婦人熱入血室刺之下針令病人吸五吸停針良久起

針

附傷風

傷風之症乃風邪客于腠裏灑淅惡寒噴嚏呵欠頭

疼發熱類于傷寒但見風寒即怕亦不太甚者是也

脉云

陽浮陰弱大蓋肺部見浮者多以此為辨

立方

加味香蘇飲

川芎

紫蘇

羌活

防風

蒼朮

香附

甘草

荆芥

白芷

各三錢

葛根

前胡

各一錢

右加蔥頭十枚生薑三片煎服以被覆取汗為度

若以為小疾而不治。日久則風入於肺。必成咳嗽。即費調理矣。凡感風邪。初起忌服茯苓。以其味淡。善于滲泄。有表症服之。則引邪入于陰經也。如當用補。或消痰。或消食。以香蘇飲為主方。隨症加減。不得一一細贅矣。

中風門

附癩症

夫人似乎無恙。而卒然中風者。豈一朝一夕之故哉。蓋內必先腐也。而後蟲生之。土必先潰也。而後水決之。木必先枯也。而後風摧之。夫物且然而況於人乎。

經曰。邪之所轉。其氣必虛。風豈能以自中乎。人亦人之自受乎風耳。使其內氣充足。精神完固。則榮衛調和。腠理緘密。雖有風將安入乎。惟其不戒暴怒。不節淫慾。或飢不暇於食。或寒不暇於衣。或嗜酒而好色。或勤勞而忘身。或當風而沐浴。或大汗而行房。或畏熱而露臥。或冒雨而奔馳。以致真元耗亡。氣血消盡。大經細絡。積虛彌年。平時無甚痛苦。而不知榮衛皆空。徒存軀殼。正猶無心之木。將折未折。無基之牆。欲頹未頹。其勢已不可支。而方且自謂無恙。遂迷而不

知戒。一旦爲賊風所襲。如劇寇操刃。直入無人之境。勢若破竹。移時而皆潰。則枯酒談笑之間。舉步轉移之頃。卒然顛仆頓爲廢人。不亦重可駭哉。由是觀之。雖由外風之中。實因內氣之虛也。然人之一身。表裏上下。未必皆虛。惟積虛之處。氣多不貫。而勢有偏重。故一爲風所入。而肢體是乎廢矣。若以臟腑言之。則又各有形症焉。中臟者。多滯九竅。故有唇緩失音。鼻塞耳聾。目瞽便秘之症。中腑者。多着四肢。故有半身不遂。手足不隨。左癱右瘓之形。又有中血脉者。則

外無六經之形症。內無便溺之阻澀。惟口眼歪斜。或左或右而已。而手足動靜起居食息。故無恙也。其或肢不能舉。口不能言。更無別症。乃中經也。比中臟腑則爲輕。比之中血脉猶爲重耳。然因其病而藥之。則中臟者宜下。中腑者宜汗。中經者宜補血以養筋。中血脉者宜養血以通氣。此皆可治之症也。而又有難易于其間。中臟爲難。而中腑次之。中經又次之。其或初中于血脉。藥之而愈。苟不守禁忌。必復中。而中必在于臟中。一次則虛。一次虛。一次則重。一次故中腑

雖可治也。由先中血脉與經。而後及于腑。則難治矣。中臟本難治也。由先中腑。而後及于臟。則不治矣。若中腑而兼中臟。與傷寒兩感者。何異。其又可生耶。凡遺尿者。為腎絕。聲如鼾睡者。為肺絕。汗出如油者。為元氣內絕。筋痛者。為無血。髮直指而為頭上竅。面赤如粧。而汗綴如珠。皆所不治之症也。其有一中即死者。何為而如此之急耶。蓋人之五臟。以心為君心也。者所以主宰乎一身者也。五臟之中。惟心最難死。故人死氣絕。一身盡冷。而心頭獨熱者。以其難死故也。中臟之人。不即死者。以四臟之氣。雖絕而心猶未絕也。一中其心。則格酒未乾。片言未盡。而冤鬼先亾矣。縱有起死回生之藥。亦何所施乎。大法中風諸症。總屬風痰。初中之時。不論在表在裏。必先以攻痰祛風為主。待其甦醒。然後審其經絡。分其氣血。而治之。不可因其內氣之虛。而驟用補劑。蓋一中之間。道路以為痰阻絕。雖欲補之。孰從而補之。若其病的係太虛。口眼不喎斜。手足不偏廢。便溺不阻澀。但汗出不休。

眩運不定。四肢軟弱。氣息短促。方可用獨參湯。而猶必佐之以橘紅。加以薑汁。竹瀝。始可服也。若無監制。一時或可全愈。而痰邪不泄。當為患他日。或發癰疽。必無救藥者矣。

脉云

風之中人。六脉沉伏者多。但以人迎為主。訣云中風。口噤遲浮。吉。急實大數。三菟孤舉。要云中風脉浮滑。兼痰氣。其或沉滑。勿以風治。浮大者帶虛。浮緩者帶濕。浮緊者帶寒。其有微而數者。虛弱熱極也。

立方

通開利竅散

治中風不省人事。牙關緊閉。湯水難進。

進。

麝香 一錢 半夏 三錢 青黛 八分 猪牙皂角 五錢

右為細末。用少許吹鼻。有嚏者生。無嚏不治。

仙授立刻回生丹

牛黃 真西者二兩 膽星 製過九次者一兩二錢 鉛霜 二錢

橘紅 廣皮去白一兩五錢 蛇含石 醋煨七次五錢

麝香 三錢 枳實 用小者炒一兩 沉香 一兩 忌火

真金箔三十片

朱砂研極細三錢

取鉛霜法。用出山鉛十觔。打寸許方牌。以線穿懸之。于大磁砵內。下以燒酒六觔。好醋二觔。上另以一砵覆之。外用鹽泥封固。熬在鍋內熱水中五日。取開掃下。即成鉛霜矣。

右各為極細末。以竹瀝加老薑汁為丸。分作七十二丸。朱砂金箔為衣。外加蠟封之。每服一丸。去蠟薑湯調下。此丹乃異人秘授。効驗通神。真萬金不易之方。予以濟衆心切。不敢自私。故爾錄之。廣傳。

治一切中風。不拘臟腑。中痰。中氣。不省人事。垂危等症。灌下一丸立醒。并治一切急慢驚風。辛未年秋。樵李姚叔祥先生。七旬有二。忽然中倒。不省人事。便遺出痰。壅上聲如鼾。睡手措眼合。先賢有言。遺便者。必不能治。投下一丸。少頃即醒。至今甚健。功效廣大。救人甚溥。不能一一槩錄。

小續命湯。治卒暴中風。不省人事。痰涎壅盛。半身不遂。口眼歪斜。手足顫搖。言語蹇澀。身體麻痺。神昏目眩。筋脉拘攣。四肢不能屈伸者。并療之。

川芎

附子

童便製過
各八分

防風

官桂

黃芩

杏仁

去皮
尖

甘草

防已

各一錢
二分

人參

白芍

麻黃

去節各
一錢

水二鍾煎八分。臨服加薑汁五茶匙。

烏藥順氣散 治一切風攻四肢骨節疼痛脚膝軟

弱。婦人血風。老人冷氣上攻。胃腹脹痛吐瀉腸鳴。

烏藥

陳皮

川芎

各二
錢

殭蠶

白芷

麻黃

去節

枳殼

桔梗

各一
錢

甘草

乾薑

炒黑各
五分

水二鍾加薑三片。棗二枚煎八分。熱服。

排風湯 治風邪中入于臟。狂言妄語精神錯亂。手

足不仁。痰氣上逆。

茯苓

獨活

川芎

當歸

杏仁

白芍

防風

甘草

各八分

肉桂

四分

白朮

麻黃

白蘚皮

各七分

水二鍾薑三片。臨服加竹瀝半酒鍾。熱服。

愈風湯 治言語難。肝腎虛。筋骨弱。及風熱體重。四

肢偏枯。半身不遂。一切中風等症。

獨活

羌活

蟬殼

半夏

薑礬製

川芎

黃芩

酒炒各一錢二分

黃連

薑汁炒

白芍

酒炒

當歸

陳皮

荆芥

防風

各入分

生地

葳靈仙

金沸草

僵蠶

貝母

茯苓

各一錢五分

膽星

入分

水二鍾。薑五片。棗二枚。煎八分。溫服。

稀涎散 治中風痰涎隔壅。服此下痰。

明礬

一兩

肥皂角

四條

右共為細末。每服五分。溫水調下。

清神解語湯

治中風痰迷心竅。不省人事。舌強不能言語。四肢不能舉動。口眼喎斜。半身不遂。

石菖蒲

南星

薑汁炒

黃連

薑汁炒

茯苓

麥門冬

去心

防風

陳皮

當歸

各一錢

白芍

生地

川芎

遠志

去骨

半夏

薑礬製

烏藥

枳實

羌活

甘草

各六分

水二鍾。生薑三片。竹茹三分。煎熟。加童便。竹瀝。同

服。

保命金丹

治中風口眼喎斜手足躄拽言語蹇澀。

四肢不舉晨昏痰多。

貫仲 七錢

生地

大黃 各五錢

青黛

板藍根 各三錢

朱砂

蒲黃

薄荷 各二錢

珍珠

龍腦 各一錢五分

麝香 一錢 牛黃 三錢

右為細末煉蜜丸如雞豆大每日晨昏以清茶調

化一丸。

解語丸 治中風語言不正。

白附子

石菖蒲

遠志

各一兩

全蝎

三錢

羌活

明天麻

僵蠶

各五錢

右為細末蜜丸棗豆大每服三十九丸空心薑湯下。

正舌湯 治中風舌強難言。

明雄黃

荆芥

各等分

右為極細末每服二錢以豆酒調下。

稀簽丸

中風或初中或中過者并體胖之人宜久

服甚妙。

稀蒼草。又名火欬草。五月五日。或六月六。九月九。採者甚効。去其花實。只留葉。刷去葉上毛。以酒蜜。拌入甌。蒸晒九次。焙乾為細末。煉蜜為丸。如梧子。大空心。以溫酒。或米湯下。六十九。服過千服。鬚髮變黑。筋骨強健。飲食倍進。步履如飛。

類中風證

忽卒倒不語。但風必有斜歪。搐搦之症。為異。有因受氣而中者。脉沉身冷。無痰故也。用薑湯調蘇合香丸。灌之。至醒。隨其寒熱虛實調之。輕者用烏藥順氣散。

或曰。此氣暴逆而然。氣復即已。雖不藥而愈。然閉口脉絕者。亦不治。

有因停食而厥者。必胃中滿悶。

有夏月卒倒。為暑風。此類中風。而實中暑者。

有因火者。內火外火。合而炎鑠。劉守真作將息失宜。

一水不勝二火也。

有因痰者。火氣激搏。痰塞碍心竅也。以上四者皆

用鹽湯吐之。

防風至寶湯

丹臺玉案

二卷

五五

類中風

南星 防風 天麻 陳皮

當歸 半夏各一錢 僵蠶一分 白芍

川芎 甘草 青皮 梔仁

烏藥 羌活 黃芩 黃連

麻黃 白芷 牛膝各八分

水二鍾加薑五片煎服。忌食蒜。

附癇症

癇症一發即顛仆。眼直口吐痰沫。其聲類畜。不省人事。少頃即甦。此因驚風食而得之。其症有五。而似五

畜。以應五臟。原因或七情之鬱結。六淫之所感。或因大驚。神不守舍。亦有幼小受驚。以至痰迷于心竅。故也。

脉云

虛弦為驚。浮洪為陽癇。沉為陰癇。浮散為風癇。

立方

育神鎮心丸秘傳 治五種癇症。并顛狂驚恐。痰迷心

竅等證。

羚羊角 犀角各四錢 膽星製過九次者

丹臺玉案 二卷 五十五

遠志 去心 茯神 去木 百子仁 去油 石菖蒲

橘紅 各八錢 礞石 煨過六錢 大黃 五錢 天麻 煨過七錢

牛黃 二錢 瓜蒌麩 五錢 麝香 一分 未砂 二錢

真金箔 三十張

右為細末。竹瀝同膽星打糊為丸。朱砂金箔為衣。每服空心薑湯送下一錢。

清心豁痰湯

石菖蒲 去毛 麥門冬 去心 茯苓 去皮 枳實 炒各一錢二分

遠志 去心 天花粉 貝母 去心 酸棗仁 去油

玄參

黃連 薑汁炒

橘紅 各一錢

甘草稍 四分

水二鍾。加薑五片。竹茹八分。煎一鍾。溫服。

癩風門

夫癩風者。卽大麻風也。又名曰癩。蓋緣感受天地肅殺之氣。古人謂之癩風。以其酷烈暴悍可畏。爾人得之。須分上下治之。看其疙瘩先見上體多者。病在上也。先見下體多者。病在下也。人之一身。總不外乎氣血。血隨氣以為之運化。氣所傷則為凝滯。氣滯則血必聚矣。血聚不行。則肉爛生蟲。鼻崩眉墮。此固理之

癩風

必然者。然風之入人。又有氣血之分。氣受之上身多。血受之下身多。上下俱多。氣血俱病也。凡治此症。必當審其從上從下治之。然所主不外乎陽明一經。蓋陽明主胃。無物不受。病之所感如此。非醫者神手。病者鐵心。罕有免于死焉。按法治之。惟宜絕厚味。斷酒色。戒勞碌。若不守此。雖或少愈。必至再舉。則無救藥矣。

脉云

浮洪者屬風熱。浮滑者屬風痰。沉遲無力。氣血俱虛。

難治。

立方

換肌散 治大痲風年深不愈。眉毛墮落。鼻梁坍塌。

額顱腫破。此方神効。

白花蛇三兩 烏稍蛇三兩 地龍去土 三兩

當歸酒製 北細辛 白芷各一兩 天麻

蔓荊子 葳靈仙 荆芥穗 甘菊

苦參 紫參 沙參 木賊

不灰木 川芎 甘草炙 沙苑蒺藜

丹臺玉案

二卷

五七

天門冬

赤芍

何首烏

石菖蒲

九節佳

胡麻炒

草烏頭

蒼木米泔浸

木鱉子

去殼

定風草

各三兩

右同為細末。每服五錢。食後酒調服。

通天再造散

治大痲風初起。

鬱金一錢五分

大黃

一兩炮

白牽牛

六錢五分半生半炒

皂角刺

一兩黑大者去尖

右為末。每服五錢。日初出面東。以無灰酒調下。

祛癘神效丸

丟子肉

十五觔

防風

二觔半去蘆

白蒺藜

二觔半

荆芥

二觔半

銀柴胡

六兩

胡黃連

六兩

草胡麻

二觔半

當歸

二觔半酒浸

蕪荑

二觔半

木鱉子

十五兩去殼

薄荷

一觔

諸品藥味切要精製為末。以酒為丸。每服五錢。日

服三次。輕者五六升。重者一斗即愈。

若脾經受病。加白朮五兩。肺經受病。加黃芩五兩。

胃經受病。加厚朴五兩。肝經受病。加連翹五兩。

心經受病。加山梔仁。胡黃連各八兩。腎經受病。

加破故帑五兩。五臟受病加蒼朮四兩。甘草二兩。六腑受病加葳靈仙四兩。續斷四兩。何首烏八兩。春則氣暖融和加連翹一觔。夏則大旺煩燥加胡黃連八兩。薄荷八兩。秋則乍寒乍暖。多生霧露加蒼朮八兩。白朮八兩。冬則嚴寒水凍加烏藥一觔。面生浮腫加白芷五兩。續斷八兩。遍身浮腫加蒼朮八兩。脚底腫加牛膝八兩。手蹇攣加葳靈仙八兩。骨節疼痛加虎骨一觔。凡遇是病依前法加減其驗如神。

消腫瀉毒湯 治面腫痛十日可瀉一次。

苦參 三錢 白蒺藜 草胡麻 連翹

大黃 芒硝 各二錢 防風 丟子肉

羌活 獨活 各五錢 牛膝 白芷

蒼朮 木瓜 各一錢

水二鍾煎八分空心服瀉三次以溫粥補之午後再服丸藥。

搽藥方 治遍身發斑。

川椒 一兩五錢炒黑 枯礬 一兩五錢 水銀 三錢

丹臺玉案 二卷 堯

松香 一兩 蛇床子 一兩
五錢 大楓子肉 一兩

苦參 一兩 五錢 硫黃 一兩 防風 三錢

右為細末菜油調搽

冰熊散 治脚底心爛

辰砂 一兩 冰片 二錢 熊膽 二錢

右為細末鷄子白調搽每日洗三次搽三次百日

全愈

癩門 附瘡

癩者逆也陰陽氣不相接則厥手足逆冷是也其症

不一散之方書者甚多今姑撮大槩有陽厥煩渴譫妄身熱而其脉洪數也有陰厥身冷脉沉足踈臥唇口青或自利不渴小便色白也然陽厥伏熱深而振慄及見身冷脉微欲絕而死者陽極似陰服熱藥即死陰厥虛寒甚而發燥欲坐于泥水之中此陰極似陽服寒藥即死不可不辨外此又有暑厥中暑耗氣發厥脉虛自汗有氣厥因暴怒而得即氣中也與中風相似風中身熱氣中身冷有痰厥其脉洪滑或咽中如拽鋸聲有虵厥胃中冷吐出長蟲者是有氣虛

丹臺玉案 二卷 六

癩

厥脉細者是有血虛厥。脉大如蔥管者是有驚厥。因勞後後飲水被驚而發者是有尸厥。凡吊死問疾或入廟登塚。卒中外邪與臟氣相忤。氣遏不行。忽手足冷。頭面青黑。牙關緊急。昏暈卒倒。或錯言妄語。決不可作風治。

脉云

厥逆之脉多於沉伏者。但沉遲散為之寒。沉伏而數為之熱。浮而無力者是氣虛。洪滑有力屬頑痰。沉滑身冷者難治。

立方

蘇合丸 凡厥瘧。先以薑汁調服。灌醒。然後議脉辨瘧用藥。

瘧用藥

白木 土炒 青木香 朱砂 研水飛 犀角

沉香 麝香 訶梨勒 煨取皮

安息香 酒熬膏 丁香 白檀香

華撥 香附 以上各二兩 龍腦 五錢

薰陸香 酥合油 各一兩

右為細末研勻。和安息香膏加煉蜜丸。如龍眼核。

大每服一丸。

大承氣湯 治陽厥與陽極似陰。方見傷寒門

四君子湯 治氣虛厥。

白木 土炒 白茯苓 去皮各一錢 人參 二錢

甘草 五分

水二鍾加黑棗二枚熱服。

四物湯 治血虛厥。

當歸 白芍 川芎 懷生地 各二錢

水二鍾加龍眼肉七枚不拘時服。

加味理中湯 治虵厥。

大附子 童便製一錢 乾薑 炒黑 甘草 檳榔

白木 土炒 人參 各八分 肉桂 川椒 各六分

水二鍾烏梅三箇煎服。

逐痰湯 治寒痰發厥。

廣橘紅 二錢 半夏 甘草 各一錢二分

大附子 川貝母 各一錢

水二鍾加竹瀝薑汁煎服。

四逆湯 治陰厥與陰極似陽。方見傷寒門

祛暑湯 治暑厥。氣升不省人事。

香薷

厚朴

薑汁炒

白扁豆

各一錢炒

沉香

川黃連

酒炒

陳皮

桔梗

各一錢二分

水二鍾。加燈心三十莖。煎七分服。

烏藥順氣散

治氣逆厥。

方見中風門

鎮邪飲 治尸厥如神。先以酥合丸。灌醒再服此方。

紫朴

膽星

蒼朮

廣木香

橘紅

各一錢

甘草

辰砂

各三分

水二鍾。加薑汁半盞。酒一盞。同煎服。

瘧門

風勝氣當作風氣勝

活人云。太陽中風。因作剛柔二瘧。大抵瘧之為病。因風濕二氣。襲于太陽之經。亦有輕重之分。其風勝氣者。為剛瘧。風性剛急。故也。濕氣勝者。為柔瘧。濕性柔和。故也。外有諸虛之候。表虛不能任風寒。亦能成瘧。是以或產後。或金瘡。或跌仆撲傷。癰疽潰膿之後。一切去血過多之証。皆能成此疾也。是乃虛為本。而風為標耳。亦有絕無風邪。而亦能使人筋脉攣急。而為角弓反張之候者。血脫無以養筋。故也。丹溪云。此症

瘧

丹臺玉案

二卷

二十三

甚不可作風治。而用風藥。恐反燥其餘血。而致不可救也。宜補藥兼降痰火。如參耆芎歸竹瀝之類。然而剛柔之症。不可不辨也。如太陽發熱無汗惡寒。脉弦長。頭急胸滿。口噤手足攣急咬牙。甚則搐搦筋頭強直。角弓反張。此為剛症。太陽微熱多汗。不惡寒。脉遲瀋弦。四肢不收。時之搐搦。開目含口。此為柔症也。

脉云

太陽病發其脉沉而細者為瘥

立方

葛根湯 治剛瘥。

乾葛 四錢 麻黃 三錢 桂枝 甘草

羌活 各二錢

薑三片 棗二枚 煎服。

桂附湯 治柔瘥。

官桂 大附子 防風 黃芩

川芎 防已 甘草 玄參 各一錢

生薑三片 煎熟熱服。

八味順氣散 治七情瘥。

丹臺玉案

二卷

卒四

陳皮

青皮炒

白茯苓

去皮烏藥各一錢

人參

白朮土炒

白芷

各一錢甘草三分

水二鍾加黑棗二枚煎熟熱服。

益元湯 治去血過多症。

當歸

生地

人參

黃耆各二錢

川芎

白朮

丹皮

各一錢五分

水二鍾棗二枚煎服。

祛風逐痰湯 治痰瘕挾風

半夏麩

枳實炒

橘紅

各一錢五分

桔梗炒

膽南星

明天麻

濕紙包煨

防風

薄荷

各一錢

全蝎

七枚洗淨

水二鍾加竹瀝半酒椀薑汁十茶匙

抑火湯 治火症。

川黃連

酒炒當歸酒洗

白芍

酒炒

黃芩

酒炒

黃栢

炒各一錢五分

知母

鹽水炒

枳殼

麩炒

甘草

玄明粉各一錢

水二鍾加燈心三十莖童便半酒椀

麻木門

附脫陽

麻木

丹臺玉案

二卷

五

人皆以麻木爲一病而不知麻與木固自有不同也。所謂麻者非癢非痛肌肉之內如千萬小蟲亂行雜沸按之不止搔之愈甚者是也。所謂木者非癢非痛自己之肌肉如他人之肌肉按之不知搔之不覺者是也。麻如木之亂故名曰麻木如木之厚故名曰木。麻猶知痛癢而木則全無覺矣。然求其病之所屬將何以斷之。蓋麻有久暫木有久暫。暫時之麻者或因坐臥不得其所四體相壓阻節榮衛血行既遲而氣亦未至故也。然麻或太甚亦有似于木焉。暫時之木

者亦因坐臥不得其所四體重壓又着寒氣一時不曾護持而榮衛不相聯屬血已不行而氣久不至故也。然木或還醒亦有似于麻焉。此其暫時之麻木雖因氣血不足而有未足爲病惟久麻久木者斯爲病耳。蓋經年累月無一日而不麻者麻之久者也。麻之久者非坐臥不穩所致必其內氣虛甚風痰轉爲患不能作麻以其挾于風邪痰爲風之所噓如風吹波浪自騰沸而去肌肉之中已爲風痰所據陰陽二氣失其運行之柄安得而不麻乎。經年累月無一日而

不木者。木之久者也。亦非坐臥不穩所致。乃是歿血凝滯于內外。挾風寒。又因陽氣虛敗。不能運動。而肉已歿。若與我不相干。此其所以木也。人之一身。皆氣血所養。氣血行遲。即能成病。況其不行乎。此久麻久木。所以可畏也。然麻木之處。小猶可治之。若半體一肢。甚難救療。醫者知此。則人之歿生病之輕重。了然于胸中。而用藥之妙。尤在善處。其可以執法乎。使暫麻暫木。而用重劑。則損其真元。久麻久木。而用輕劑。則不能取效。審而治之。可也。

脉云

脉浮而濡屬氣血虛。脉浮而緩屬濕。脉浮而緊屬寒。脉濇而芤屬歿血。脉緊而滑屬濕痰。

立方

人參調元湯 治一身麻木。四肢倦怠。

人參 沙參 黃耆 甘草 各二錢 五分

肉苁蓉 白芍 川芎 北五味 各一錢 二十粒

水煎温服。

舒氣活絡丸 治男婦七情所感。氣血不行。手足頑

麻。

當歸 酒洗

白芍

酒炒

沉香

忌見火

香附

醋製各二兩

桂枝

八錢

川芎

牛膝

烏藥

蒼朮

炒

薏苡仁

炒

生地

忌鐵器

柴胡

丹皮

炒

桑寄生

各二兩五錢

甘草

防已

茯神

各一兩

大附子

一箇童便黃連製

右爲末。老薑四兩搗汁加水法爲丸。每服空心服

三錢。白滾湯下。

大法麻木之屬。雖有風痰。必血之分。然治療之藥。皆

當以熱藥爲引導。如生薑。附子。官桂。川烏之類。以引經藥引至各經。如手臂用桑條。股足用牛膝。葳靈仙之類。以行氣藥通其氣。如烏藥。木香。枳殼。青皮之類。以通竅藥開其經絡。如木通。穿山甲。牙皂之類。有痰則去痰。有風則去風。有血則行血。此其總綱也。久麻者。皆氣虛爲風痰所轉也。然係氣虛。亦不暇補其氣。先補其氣。則風無能而自散。痰無能而自去矣。宜以生薑爲引導。枳殼以開氣。半夏。南星以逐痰。防風。羌活。荆芥以散風。牙皂。木通以通經絡。手臂用桑

條。股足用牛膝以引經。待其病減。然後用參耆。白朮。茯苓。甘草之類可也。

久木者皆陽氣不運。或血滯凝。外挾風寒所致也。宜以附子宮桂之類。以爲引導。木香之類。以開其氣。川山甲木通牙皂之類。以通經絡。當歸桃仁蓬朮紅花。阿魏之類。以消其血。因其病之所在。以引經藥引之。加桑條牛膝之類。待其病減。以八物湯補其血可也。背上麻木。以羌活爲引經。胷前麻木。以桔梗爲引經。風用風藥。痰用痰藥。皆以開氣爲主。而此三處惟以

生薑爲引導。而附子之類不必用也。遍身肌膚大麻癢。淫淫然如蟲行者。風也。宜以殭蠶爲君。羌活防風爲佐。烏藥以勻氣。木通以開經。生薑爲引導。蓋木通能行十二經絡。烏藥能勻一身之氣。生薑能開一身之轉理。羌活防風能去一身之風。而殭蠶一味專治如蟲行者之聖藥也。至於加減輕重之間。則存乎其人耳。而豈吾之所能備述者乎。

附脫陽

大吐大瀉。或房慾過度。大耗真元。陽氣旣去。陰血不

能固守。亦隨而脫去也。如丈夫交媾過度。脫在婦人身上。須婦人緊緊抱住。用氣噓入口內。少頃自省。若就放開必死。

回陽湯

大附子三錢 人參二錢 白朮

乾薑各一錢

廣木香一錢五分

水煎熱服

蒸臍法

蔥葉一大把。以線紮緊。兩面切平。半寸厚。內用麝

香三分。摻入蔥內。外加艾圓灸之。以蒸熱氣入腹

神妙。

熨氣海穴 在臍下

食鹽一觔炒熱。先熨氣海。再服回陽湯。

中暑門 附注夏

暑者夏月炎蒸之氣也。丙丁當權。祝融用事。炎威酷烈。鑠石流金。柔脆之軀。不堪燔炙。而中暑之病。有不免矣。病之初起。身熱自汗。口渴面垢而已。其餘雜症。皆後傳變。然昔人有中熱。中暑之分。豈暑之外別有

所謂熱耶。蓋暑與熱本無所異。而人感之則有異耳。富貴之人避暑於涼亭水閣之中。脩竹遶欄而成蔭。清泉漱玉而生寒。偃篔以取涼。揮羽扇以祛熱。浮瓜沉李以消渴。鮮菱脆藕以解煩。自謂可以無暑矣。不知富貴必生驕奢。驕奢必生淫慾。元氣日消。肌裏必疎。坐談之頃。卒然為暑風所傷。邪氣直入。音莊霎時昏瞶。迷不知人。此所謂靜而得之為中暑是也。貧窮勞苦之人。竭力於畎畝。而汗血成漿。驅馳於道途。而咽喉似炙。夏口中赤日方為魑。而清風不來。熱地已成爐。而寒泉

霎色洽切片時也

難覓。精神疲而欲絕。筋力困而不知。卒然傾仆不省人事。此所謂動而得之為中暑是也。然暑初入自口。鼻牙頰達於心胞絡。以火從火。故古法當暑取冷水灌漑。勿嚥入肝。則眩暈頑麻。入脾則昏睡不覺。入肺則喘咳痿躄。入腎則消渴。中暑歸心。神昏卒倒。此症之重者。緩則為傷淺。急則為胃深。又為伏暑。又何以辨之。蓋傷暑在肉。分周身煩燥。或如針刺。或有赤腫。蓋天氣浮於地表。故人氣亦浮於肌表也。胃暑或腹痛。水瀉者。胃與大腸受之。惡心者。胃口有痰飲也。伏

丹臺玉案

二卷

七

暑即胃暑。久而藏伏三焦腸胃之間。熱傷氣而不傷形。旬月莫覺。變出寒熱不定。霍亂吐瀉。膨脹中滿。瘧痢煩渴。腹痛下血等症。但暑氣病多不身痛。間有痛者。或為熱浴水濕相搏耳。又有暑風厥。手足搐搦為風。手足逆冷為厥。治此病者。當視其所處貧富。所為勞逸。所稟虛實。所感輕重。而斟酌用藥。斯得之矣。

脉云

經曰脉虛身熱。得之傷暑。舉要曰熱傷於氣。所以脉虛弦洪。其體狀無餘。

立方

祛暑神秘丹 治夏月中暑。率倒不省人事。一丸立愈。

愈

青蒿

淨末 一觔

白梅

烏梅

生薑

各四兩

生薑皮

一兩 沙糖 十兩

右為末。共搗為丸。如龍眼肉大。每服一丸。井水調下。

下

解急方法 中熱在路。昏迷不知人事。湯藥不便。恐氣脫難治。急扶陰涼處。不可臥濕冷地。掬道上熱

土於臍上撥開作竅。令人尿於其中。急求生薑。或
蒜嚼爛。以熱湯或童便灌下。外用布蘸熱湯慰氣。
海立醒。醒後切勿飲冷水。飲之即死。

香薷飲。治臟腑冷熱不調。飲食不節。元氣久虧。好
食生冷。或臥濕地。當風取涼。中暑等症。

香薷

五錢

厚朴

二錢薑汁炒

白扁豆

一錢五分炒

右為一劑。水煎候冷。不拘時服。中暑復傷風。搐

搦不省人事。加黃連。羌活。伏暑頭痛。小便澀瀉。

加茵陳。車前子。霍亂吐利。加藿香。木瓜。生薑。

臟腑積熱便血。加枳殼。黃連。赤芍。烏梅。小便有

血。加藿麥。小薊。車前子。壯熱大渴。或五心煩熱。

加麥門冬。淡竹葉。茅根。燈草。脚氣作痛。行步艱

難。加木瓜。羌活。陳皮。蒼朮。枳殼。半夏。中風加防

風。羌活。手足搐搦。加羌活。白芷。挾痰。加南星。半

夏。腹痛。小便赤。加枳殼。木通。甘草。單只腹痛。

加黃連。枳殼。赤芍。莪朮。

清暑益氣湯。治夏月暑熱。蒸人。不思飲食。四肢乏

力。神思困倦。小便赤澀。大便作瀉。時時作渴。曾膈

飽悶。

人參

白朮

土炒

黃耆

各一錢
蜜炙

北五味

二十粒

當歸

麥門冬

去心

甘草

乾葛

青皮

炒

神麴

炒

澤瀉

各一錢
二分

黃栢

酒炒

陳皮

蒼朮

升麻

各八分

水二鍾煎七分温服。

生脉散

夏月以此代茶能生津液益氣和中。

人參

一錢

麥門冬

二錢
去心

北五味

二十粒

水煎當茶飲之。

清暑十全湯

治傷暑頭目昏重潮熱煩悶多渴嘔吐身體倦怠并一切伏暑暑瘧神効。

香薷

木瓜

蘇葉

厚朴

各一錢
二分

人參

甘草

白茯苓

白朮

白扁豆

半夏

白芍

各一錢

水二鍾煎七分不拘時服。

清暑六和湯

治心脾不調氣不升降霍亂轉筋嘔吐泄瀉寒熱往來痰喘咳嗽肢體浮腫嗜臥昏倦。

吐泄瀉寒熱往來痰喘咳嗽肢體浮腫嗜臥昏倦。

小便赤色并胃暑中酒。

人參

杏仁

去皮

厚朴

薑汁炒

白茯苓

去皮各一錢

香薷

白扁豆

炒

砂仁

炒

半夏

薑礬製

藿香

各一錢五分

甘草

木瓜

各八分

加薑三片棗二枚煎七分熱服。

桂苓甘露飲

治伏暑飲水過多肚腹膨脹霍亂吐瀉。

瀉。

澤瀉

猪苓

各一錢二分

寒水石

二錢

桂枝

八分

蒼朮

滑石

甘草

各一錢

水煎溫服。

消毒飲

治暑毒入內心中煩燥睡臥不寧精神恍惚。

惚。

香薷

川黃連

遠志肉

各一錢

石膏

麥門冬

各一錢二分

北五味

二十粒

生甘草

茯神

各八分

水二鍾加燈心三十莖煎服。

辰砂益元散

治中暑身熱小便不利睡不安穩此藥清心火除胃脘熱。

藥清心火除胃脘熱。

丹臺玉案

二卷

圭

滑石 六兩 飛淨 甘草 一兩 去皮 靜

辰砂 一兩 研極細

右共為細末。每二錢。燈心湯調下。

冷香飲子 治虛人中暑煩渴身倦燥甚服涼藥不

効者。

大附子 二錢 橘紅 一分 甘草

草果 各一錢

水三鍾加薑五片煎八分熱服。

辰砂五苓散 治中暑煩渴身熱頭疼霍亂吐瀉小

便短少心神恍惚。

白茯苓 去毛 猪苓 各二錢 白朮 一錢二分 土炒

官桂 一錢 辰砂 八分 研極細

水二鍾加燈心三十莖煎服。

附注夏

每遇春末夏初便覺頭疼脚酸神思困倦飲食減少。

四肢消瘦軟弱乏力。

補中固元湯 治注夏一切等症。

人參 黃耆 白朮 甘草 各一錢

生地 二錢 當歸 陳皮 各八分

棗二枚煎八分臨臥服。

丹臺玉案

二卷

共

注夏

又方 治汗不時出發熱惡寒四肢無力作渴。

石膏 二錢 煨熟 知母 鹽水炒 人參 甘草

陳皮 各一錢 五分

加浮小麥八分煎服。

中濕門 附痿症

濕者天地鬱蒸之氣也。方其升騰於上，氣猶籠結而未開，雖寒天值之，亦覺其溫煖。此濕氣之熱者也。及其布護於下，氣將流演而舒散，雖暑月值之，亦覺其清涼。此濕氣之寒者也。濕氣之熱者，多中於氣虛之人。則發而為濕熱之症，頭面如裹，而四肢浮腫，身體沉重，而轉側不便者是也。濕氣之寒者，多中於血虛之人。則發而為寒濕之症，四肢酸疼，而關節不利，筋脉拘攣，而行履重滯者是也。其有不因鬱蒸之氣而得者，必其冒雨而行，涉水而走，或露臥以取涼，或汗衣而不解，漸漬於肌肉之中，滲入於骨髓之內，流溢於脾胃之間，牢纏於腰腎之處，則肌內冷而骨髓痛，脾胃薄而腰腎疼，挾於風痰，則麻而不仁，兼乎瘀血，則木而不覺，動乎火邪，則腫痛而難忍，隨其所感而

外當作肉

中濕

丹臺玉案 二卷 七十七

病斯痼焉。其有不因冒雨涉水等而得者。必其內傷
生冷酒麪之類。多肚腹腫脹。醫者審其濕之。或寒或
熱。或虛或壯。病之在上。在下。感之在外。在內。因其病
而藥之。庶乎其得之矣。

脉云

中濕之脉。沉緩微細。兼風者浮。兼寒者濇。兼熱者滑。
數兼痛者洪。而浮緩濕在表。浮而緩濕在裏。沉而微

立方

滲濕湯 治濕傷脾胃。下部虛腫。大便泄瀉。小便不

利。

丁香

蒼朮

白朮

薑黃

茯苓

甘草

陳皮

各等分

棗二枚。薑三片。煎八分服。

清燥湯 治六七月之間。濕令大行。子能令母實。致
寒涼以救之。燥金受濕熱之邪。絕寒水生化之源。
源絕則腎虧。腰下痠軟。癱瘓不能舉動。行步不正。
此方主之。

茯苓

去皮

蒼朮

米泔浸炒

澤瀉

猪苓

人參各一錢神麴炒

橘紅各八分升麻

白朮土炒甘草

北五味九粒

棗二枚煎八分服

腎著湯 治腎傷濕身重腰冷如坐水中不渴小便

自利

雲朮

茯苓

乾薑

甘草

棗二枚煎七分熱服

防已黃耆湯 治風濕相搏客在皮膚四肢少力

防已

白朮

黃耆

甘草

薑三片棗二枚煎七分服

獨活寄生湯 治腎氣虛弱坐臥濕地或當風取涼

風邪流入脚膝為偏枯冷痺緩弱疼痛行步艱難

并治白虎歷節風

白芍

獨活

當歸

桑寄生

熟地

人參

川芎

茯苓

杜仲

秦艽

防風

牛膝

細辛

桂心各四錢 甘草一錢

右剉一劑。加生薑煎熟。作數次服。

栝木四製丸

滋陰抑火。開胃進食。能除周身之濕。

川黃栝

去皮四觔 酥炙一觔 人乳浸一觔 童便浸一觔 鹽水浸一觔

茅山蒼木

括去皮二觔 川椒炒八兩 破故紙炒八兩 五味子炒八兩 當歸炒八兩

揀去同炒之藥。只用蒼木黃栝為末。煉蜜為丸。如

梧子大。每服五十九。空心酒下。

生附湯

治濕漚下部。兩足無力。步履艱難。腰膝疼

痛等症。

大附子

蒼木

香附

白木

各一錢

甘草

三分

乾薑

五分

杜仲

牛膝

茯苓

厚朴

各八分

薑三片。棗二枚。煎八分服。

當歸枯痛散

治濕熱為病。肢節煩疼。肩背沉重。流

注足脛。痛不可忍。者。口乾壯熱。兩足濕毒。瘡痛癢。

當歸

防風

黃耆

各一錢

甘草

五分

黃栝

玄參

人參

茯苓

白朮

蒼朮

各八分

乾葛

升麻

知母

茵陳

羌活

各六分

水二鍾煎八分服。

清熱瀉濕湯

治濕攻注四肢周身發腫面色痿黃

小便不利。

茯苓

黃連

車前子

各一錢二分

木通

猪苓

滑石

蒼朮

各一錢

石葦

山藥

黃柏

各八分

燈心三十莖煎八分空心服。

附痿症

四肢軟弱。身體重滯。經年不能起床。而飲食如故。不痛不酸。有似乎濕。而實非濕。乃肺經受熱。其葉焦垂。不能統攝一身之氣。故成痿疾。

脉云

舉要曰。尺脉虛弱。緩澹而緊。洪大者不治。

立方

潤肺扶氣湯

治痿症。肺枯氣弱。

茯苓

人參

白朮

甘草

丹臺玉案

二卷

全

麥門冬

黃芩

各一錢

桔梗

百合

薏苡仁

各八分

北五味

九粒

當歸

生地

各一錢二分

水煎加藕汁半鍾。食後服。

又方

治火炙肺枯不能統攝。

山梔仁

炒黑

瓜蒌仁

去油

當歸

酒洗

生地

百部

各一錢五分

紫河車

二錢

天門冬

去心

陳皮

桔梗

蜜炒

人參

沙參

各一錢

棗二枚。燈心三十莖。食後服。

丹臺玉案二卷終



